

4
3. jan.

HAFNARREGLUGERÐ

fyrir Breiðdalsvíkurhöfn.

I. KAFLI

Takmörk hafnarinnar.

1. gr.

Breiðdalsvíkurhöfn nær yfir alla Breiðdalsvík, norð-vestan línu, sem hugsast dregin úr Snæhvaminstanga suður um Hafnarey innanverða í Strætishvarf.

II. KAFLI

Um stjórn hafnarinnar.

2. gr.

Að nýafstöðnum hverjum hreppsnefndarkosningum skal hreppsnefnd Breiðdalshrepps kjósa þrjá menn í hafnarnefnd og jafnmarga til vara. Er kjörtímabil hafnarnefndar til jafnlangs tína og hreppsnefndar þeirrar, er hana kýs.

Þar til nýjar hreppsnefndarkosningar fara fram, skal þó hreppsnefnd Breiðdalshrepps, sú er nú situr, fara með mál þau, er undir hafnarnefnd heyrar.

Hafnarnefnd sér um að reglugerð hafnarinnar sé hlýtt. Hún sér um innheimtu gjalda þeirra, sem ákveðin verða með reglugerð þessari, gegn innheimtulaunum þeim eða kaupi, sem um semur. Þá skal hafnarnefnd sjá um viðhald og endurbætur lendingarbóta og hafnarmannvirkja, stýra öllum framkvæmdum, er þar að lúta, annast fjárhald lendingarsjóðs og reikningshald fyrir hönd hreppsnefndar.

III. KAFLI

Almennar reglur.

3. gr.

Hafnarnefnd sér um að gætt sé reglu í höfninni og á landi hennar.

Öllum er skylt að hlýða boði hennar og banni. Þyki einhverjum sér óréttur ger, getur hann kært fyrir lögreglustjóra, en skipun hafnarnefndar ber að hlýða tafarlaust og varðar sektum, ef út af er brugðið.

4. gr.

Skyllt er að gæta varúðar um allt það, er slysum getur valdið.

Ekki má skjóta eða bera skotvopn á hafnarsvæðinu nema með leyfi hafnarnefndar.

5. gr.

Hafnarnefnd ber að gæta allrar kurteisi í starfi sínu.

IV. KAFLI

Um notkun hafnarinnar.

6. gr.

Heimilt skal bátum og skipum að leggjast að bryggju hafnarinnar í þeirri röð, sem þau koma að, en skylt er þeim að fara frá bryggju, er þau hafa lokið erindi sínu, ef aðrir þurfa að komast að eða þau eru þar að öðru leyti til trafala að þarflausu, og gildir sama um upp- og útskipun á vörum.

V. KAFLI

Um lendingarsjóð.

4

3. jan.

7. gr.

Til þess að standa straum af kostnaði við fyrirhugaðar lendingarbætur og síðar hafnarmannvirki, viðhaldi þeirra og rekstrarkostnaði, skal stofna lendingarsjóð.

Í lendingarsjóð renna allar tekjur, sem ákveðnar verða með reglugerð þessari.

Reikningsár lendingarsjóðs er almanaksárið. Við lok hvers reikningsárs og aldrei síðar en fyrir lok næsta febrúarmánaðar, skal hafnarnefnd semja reikning yfir tekjur og gjöld lendingarsjóðs á hinu liðna ári og enn fremur reikning um eignir hans og skuldir í árslok. Reikningarnir skulu endurskoðaðir og úrskurðaðir á sama hátt og hreppsreikningurinn.

Fyrir 15. desember ár hvert skal hafnarnefnd semja frumvarp til áætlunar um tekjur og gjöld lendingarsjóðs á komandi ári. Frumvarp þetta skal þegar í stað sent hreppsnefnd Breiðdalshrepps til samþykktar, ásamt nauðsynlegum skýringum.

8. gr.

Skipa- og bátagjöld skal greiða sem hér segir:

Hvert aðkomuskip, sem fermir eða affermir, greiðir í hvert skipti, er það hafnar sig, af hverri brúttó smálest kr. 0.30 Þó skulu innlend strandferðaskip, sem sigla eftir föstum, auglýstum áætlunum, einungis greiða gjald þetta í fyrsta skipti, er þau koma á höfnina á ári hverju, en ekkert meira, þótt þau komi oftari á því ári.

Allir heimilisfastir bátar á Breiðdalsvík greiða árlega af hverri brúttó smálest kr. 10.00, með gjalddaga 1. okt., og að auki 2% af brúttó afla.

9. gr.

Vörugjald af inn- og útfluttum vörum skal greiða þannig:

Fyrir hverja smálest af fiski, salti, kolum, sementi og öðrum þungavörum kr. 2.00.

Fyrir hverja tunnu kr. 0.50.

Fyrir hesta og nautgripi kr. 5.00.

Fyrir sauðfé kr. 0.25.

Fyrir bifreiðar kr. 10.00.

Fyrir hvert teningsfet timburs kr. 0.05.

Fyrir hvert stykki af venjulegum vörum allt að 50 kg kr. 0.25.

Fyrir hvert stykki 50—100 kg kr. 0.50.

Fyrir hvern heyhest kr. 0.25.

10. gr.

Undanþegnar vörugjaldi eru þessar vörur:

Vistir og aðrar nauðsynjar til báta og skipa til eigin notkunar, sem fluttar eru úr landi.

Póstflutningur og farangur ferðamanna allt að 25 kg.

Vörur, sem fluttar eru úr herskipi og í herskip.

11. gr.

Vörugjald skal reikna eftir máli eða þyngd með umbúðum. Fara skal eftir farmskrá skips við útreikning vörugjalds og er skipstjóri skyldur að láta hafnarnefnd í té eftirrit af farmskrá skips. Sé engin farmskrá, skal skipstjóri eða formaður báts gefa drengskaparvottorð um vörumagn það, sem skip hans hefur

- 4 fermt eða affermt. Þyki hafnarnefnd ástæða til, getur hún hvenær sem er látið ákveða
3. jan. vörumagnið á þann hátt, sem hún telur hentugast. Reynist vörumagnið meira en
upp var gefið, greiðir skipið kostnaðinn. Ef ýmsar vörutegundir eru í sömu send-
ingu, skal reikna vörugjaldið eftir þeirri tegund, sem hæst gjald skal reikna af.
Vörur skal flokka til vörugjalds eftir því sem gjaldskrá tiltekur og reiknast eins og
þar segir. Ef vafi leikur á því í hvaða flokki skuli telja einhverja vöru, úrskurðar
hafnarnefnd, en úrskurði hennar má skjóta til hreppsnefndar.

12. gr.

Vörugjald greiðir eigandi varanna eða umboðsmaður hans og ber skipstjóri
eða formaður báts ábyrgð á greiðslunni. Lendingarsjóður hefur haldsrétt á vörunni
unz gjaldið er greitt. Ef skip eða bátar hafa ekki farm sinn skráðan, ber skipstjóri
eða formaður ábyrgð á greiðslu vörugjaldsins.

13. gr.

Fyrir að leggja vörur á land hafnarinnar skal greiða 5 aura fyrir hvert stykki,
sem ekki er flutt burt innan sólarhrings. Gjaldið reiknast fyrir hverjar 24 klukku-
stundir eða brot úr þeim.

Fyrir lóðir hafnarinnar, geymsluhús eða tæki, sem leigð eru um langan tíma,
skal greiða gjald, sem ákveðið verður eftir samningi.

14. gr.

Hvert skip, sem leggst við bryggju eða að skipi, sem liggur við bryggju landingar-
sjóðs, skal greiða fyrir það gjald sem hér segir:

Öll skip, 15 smálestir brúttó eða stærri, greiði 10 aura af hverri nettó smálest.
Minnsta gjald skal þó vera 2 krónur.

Aðkomubátar undir 15 smálestum brúttó greiða 1 krónu.

Bátar heimilisfastir á Breiðdalsvík, 5—15 smálestir brúttó, greiða 30 krónur á
ári, með gjalddaga 1. okt.

Minni bátar, heimilisfastir á Breiðdalsvík, greiða 5 krónur á ári, með sama
gjalddaga.

Bryggjugjald reiknast fyrir hverjar 24 klst. eða brot úr þeim.

15. gr.

Pilfarsbátar skrásettir á Breiðafirði skulu greiða árlega fyrir að hafa föst legu-
gögn á höfninni 10 krónur, en opnir bátar 5 krónur, hvort tveggja með gjalddaga
1. október

Um aðra báta eða skip fer eftir samkomulagi við hafnarnefnd.

16. gr.

Öll gjöld samkvæmt reglugerð þessari má taka lögtaki.

*VI. KAFLI

Ýmis ákvæði.

17. gr.

Á hafnarsvæðinu má ekki gera nein mannvirki né breyta þeim mannvirkjum,
sem þar eru, og heldur ekki fylla upp eða dýpka út frá landi, nema leyfi hrepps-
nefndar komi til.

18. gr.

Þeir, sem skemma bryggjur eða önnur mannvirki og áhöld landingarsjóðs, eru
skyldir til að greiða að fullu kostnað við að lagfæra það.

19. gr.

4

Um skaðabótaskyldu fyrir skemmdir á lendingarbótum, mannvirkjum eða 3. jan. áhöldum fer eftir almennum lagafyrirmælum.

Ef samningum verður ekki við komið um skaðabætur fyrir skemmdir á eignum þessum, má ákveða þær af þremur óvilhøllum, dómkvöddum mönnum. Hvor- um aðila um sig er heimilt að krefjast yfirmats og skal krafa um það hafa verið borin fram innan mánaðar frá því að matsgerð lauk. Yfirmat skal framkvæmt af fimm óvilhøllum, dómkvöddum mönnum. Kostnaðinn greiðir sá, er yfirmatsins krafð- ist, ef matsupphæðinni verður ekki breytt meira en sem svarar 10% af hinni ákveðnu skaðabótafjárhæð. Að öðrum kosti greiðir hinn aðilinn kostnaðinn.

20. gr.

Brot gegn reglugerð þessari varða sektum frá 20—10000 kr., nema þyngri refs- ing liggir við samkvæmt almennum lögum. Sektir renna í lendingarsjóð.

21. gr.

Með mál út af brotum á reglugerð þessari skal fara sem almenn lögreglumál.

Reglugerð þessi staðfestist hér með samkvæmt lögum nr. 13 24. marz 1944 til þess að öðlast þegar gildi og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 3. janúar 1945.

Emil Jónsson.

Vigfús Einarsson.

S A M Þ Y K K T I R

5

fyrir Sparisjóð Hrótfirðinga.

9. jan.

1. gr.

Markmið sjóðsins er að taka við fé einstakra manna og félaga og ávaxta það á sem tryggastan hátt, svo sem nánar er fyrir mælt í reglugerð þessari.

2. gr.

Sparisjóðurinn heitir Sparisjóður Hrótfirðinga og er eign Bæjarhrepps og sé heimili hans og varnarþing ávallt innan hreppsins.

3. gr.

Ábyrgðarmenn sjóðsins skulu að jafnaði vera 20. Aldrei mega þeir færri vera en 15, og séu búsettir í Bæjarhreppi. Deyi fulltrúi, flytji burtu úr hreppnum eða gangi úr af öðrum ástæðum, skal þá þegar kjósa annan fulltrúa í hans stað og hefur hann þá sömu skyldur og aðrir fulltrúar.

4. gr.

Sérhver fulltrúi undirritar skuldbindingu um að ábyrgjast að sparisjóðurinn standi í skilum og að svara allt að kr. 300.00 hver, ef nauðsyn krefur, til tryggingar því.

5. gr.

Stjórn sjóðsins skipa 3 menn. Skulu 2 þeirra, ásamt einum varamanni, kosnir eru af fulltrúum á aðalfundi til eins árs í senn. Einn stjórnarnefndarmaðurinn er kosinn af sýslunefnd Strandasýslu.